

Tagduda tazayrit tayerfant tamagdayt aylif n usedwel ayelnaw

tanmehla n ugezdu n Tizi-Uzzu

Ayerbaz alemmas Hellig Husin

Aswir :S 3LL Tanzagt :1.

Irem n ukradyur amezwaru

### Taqlaḍt n temzi

Lwiza d tin iharen ad terr axxam ,ur d-teclie deg ulmud ney di temzi-is yerna d tanelmadt yellan teḥrec nezzeḥ.D acu kan ula d imawlan-is rnan-as tabyest ladya yemma-s i as-yeqqaren : "Taqcict,i tt-inefēen d axxam-is ."(...)

Lwiza, d mmi-s n εemmi-s Ḥamid i tt-yuyen. Imi dya di thuski,ur txuss ara. (...) Di tazwara, Ḥamid,yerra-tt am tgeldunt deg uxxam ; iteddu-as di lebyi. Asmi terfed s tadist,ḥaren amek ad as-xedmen ladya argaz-is deg wakken žran d akniwen ara d-tesεu. Tallit, tεedda tegla-d s tlatit n warrac . Maca ur ttamen ssaba ar ad terwet. Ḥamid yebda yettbeddil yef tmeṭṭut-is , at wexxam marra wehmen deg-s !Yuweḍ armi ur d-ikeccem ara yer uxxam ugar n yimalas .Ḥamid, ira ad as-yebru . Dda Lḥusin baba-s, ur yefki ara afus deg yelli-s n gma-s. Ibedd mgal mmi-s yenna-as : « A Ḥamid a mmi ! Ayen akka i txedmeḍ ur yelhi ara. Tagi d tameṭṭut-ik wigi d arraw-ik. » .Ḥamid yerra-as : « tyelḍeḍ a ba. D nutni i d-yellan d ugur di tudert-iw... »

\_ Zwir leεqel a mmi ! Ayen akka i la d-teqqareḍ macci d imeslayen-ik.

\_ Dayen ifuk Imektub gar-aney.Macci bessif ad idirey yid-s.

\_ D awezyi ad tyurreḍ yelli-s n εemmi-k skud mazal-iyi ddrey.

\_ Tagi d tudert-iw. Akken byiy ad tt-idirey.

\_ Ffey-iyi seg uxxam-iw. Seg wass-a d asawen ur lliy d baba-k.

Dda Lḥusin , yenfa Ḥamid ibedd yer yidisan n lḥeq. Lwiza terra arraw-is deg urebbi-s tettidir amzun deg uxxam n baba-s xas ahat yeqber wul-is.

Qeddac-Ccix Dalila "Asirem yettwaqecmen"SB 53,54,55.

**A/ Tigzi n uḍris d tutlayt: 12/12**

1-Acufer teḡḡa Lwiza almud-is ? (1)

Lwiza teḡḡa almud-is acku tḥer ad tar axxam .

2-Dda Lḥusin yerfa yef mmi-s. Acufer ? (1)

Dda Lḥusin yerfa yef mmi-is acku mmi-s yebya ad yebru i tmeṭṭut-is (Yelli-is eemm-is ).

3-Anwi iwudam i deg d-yella udiwenni deg uḍris ? (2)

Adiwenni yella-d gar Dda Lḥusin akked Ḥamid .

4-Acu-t wanaw n uḍris ? (1) Anaw n uḍris d ullis .

5-Segzu-d tanfalit-a : « Ur ttamen ssaba ar ad terwet » (2)

Asegzu n tenfalit d «Ur ttamen lyella alamma yefra lḥeb yef walim (Akerfa), deg uḍris ur ttamen ara tayri d læzza-nni yellan deg tazwara arḡu ar taggara ad d-tban tidet .

6-Af-d deg uḍris aknaw n wawal "Cbaḥa" (1) Cbaḥa = Tahuski

7-Efk-d talya d twuri n wawalen yettuderren deg uḍris (2)

Awal	Talya	Tawuri
Axxam :	Isem amalay asuf deg waddad ilelli .	Asemmad usrid .
Warrac :	Isem amalay asget deg waddad amaruz .	Asemmad n yisem.

8-Smed tafelwit-a : (2)

Amyag	Amayun n yizri anilaw	Amayun n yizri anibaw
Xdem	Ixedmen	Ur nexdim ara

**B/ Tira : 8/8 : •Talya n uḍris :**

\_ Azwel .

\_ Tiszddarin.

\_ Ilem di yal taseddart.

(03)

● *Tudssa n uḍris :*

\_Tazwara d agzul i uḍris .

\_Tis snat d asugen i taggara n uḍris.

\_Amek tefra taluft.

(03)

● *Tutlayt :*

\_Tamawt n tmaziyt.

\_Asigez.

\_Ugulen deg tira.

(02)

*Afud igerrzen*